



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-040-7/23**
Datum: **10.05.2023. godine**

„Agencija za vodno područje rijeke Save“ Sarajevo rješavajući po zahtjevu pravnog lica „DEPLAST“ d.o.o. Tuzla za donošenje rješenja o vodnoj dozvoli za ispuštanje tehnoloških otpadnih voda sa lokacije poslovno-proizvodnog objekta- pogona za plastifikaciju aluminijskih profila izgrađenog u naselju Ši Selo, Vukovarska br.69, Grad Tuzla, na osnovu člana 109. stav (1) tačka 2. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine broj 2/98 i 48/99 i 61/22), donosi:

R J E Š E N J E **o vodnoj dozvoli**

1. Pravnom licu „DEPLAST“ d.o.o. Tuzla daje se vodna dozvola za ispuštanje tehnoloških otpadnih voda sa lokacije poslovno-proizvodnog objekta- pogona za plastifikaciju aluminijskih profila izgrađenog u naselju Ši Selo, Vukovarska br. 69, Grad Tuzla, na zemljištu označenom kao k.č. 2488/10, 2488/11, 2488/12, 2488/13, 2488/14, 2488/15 i 2488/16 K.O. Tuzla III, Grad Tuzla.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije i izvršenog uviđaja na lokaciji objekta i pod slijedećim uslovima:
 - 3.1. Da pravno lice, „DEPLAST“ d.o.o. Tuzla obezbijedi da se sistem za prikupljanje, prečišćavanje i ispuštanje otpadnih voda sa lokacije poslovno-proizvodnog objekta- pogona za plastifikaciju aluminijskih profila izgrađenog u Tuzli, održava u funkcionalnom stanju i koristi u skladu sa namjenom i uslovima iz ove vodne dozvole.
 - 3.2. Da se u roku 30 dana od izdavanja ovog rješenja izvrši blindiranje ispusta iz kada na način da se u potpunosti onemogući ispuštanje tehnoloških otpadnih voda u zacijevljeni potok a potom u recipijent rijeku Jalu.
 - 3.3. Čišćenje i pražnjenje tri kade vršiti dva puta mjesečno dok jednu kadu prazniti jednom mjesečno a u skladu sa podatkom navedenim u projektnoj dokumentaciji koja je bila osnova za izdavanje vodne dozvole.
 - 3.4. Čišćenje i pražnjenje kada te odvoz i konačno zbrinjavanje otpadnih voda i taloga, kao i opasnog otpada sa lokacije „DEPLAST“ d.o.o. Tuzla može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja kada, neophodno je voditi službenu evidenciju i arhivu.
 - 3.6. Na predmetnoj lokaciji nije dozvoljeno indirektno ispuštanje otpadnih voda u podzemne vode.
 - 3.7. Da se u skladu sa propisima iz oblasti zaštite okoliša vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
 - 3.8. Osigurati priručna sredstva za brzu intervenciju u slučaju nekontrolisanog rasipanja i isticanje tečnog opasnog otpada, kako bi se spriječilo moguće onečišćenje voda i tla.
 - 3.9. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.

4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1., Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, Korisnik je dužan provoditi sve mjere i aktivnosti propisane istom.
6. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
7. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. Ova vodna dozvola, shodno članu članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja uz uslov da se aktivnosti obuhvaćene tačkom 3. dispozitiva rješenja u cjelosti poštuju.
11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
12. Ova vodna dozvola može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

O b r a z l o ž e n j e

Pravno lice „DEPLAST“ d.o.o. Tuzla obratilo se ovoj Agenciji sa zahtjevom zaprimljenim 02.02.2023 godine za donošenje rješenja o vodnoj dozvoli za ispuštanje tehnoloških otpadnih voda sa lokacije poslovno-proizvodnog objekta- pogona za plastifikaciju aluminijskih profila izgrađenog u naselju Ši Selo, Vukovarska br. 69, Grad Tuzla, na zemljištu označenom kao k.č. 2488/10, 2488/11, 2488/12, 2488/13, 2488/14, 2488/15 i 2488/16 K.O. Tuzla III, Grad Tuzla.

U provedenom postupku, uz zahtjev za donošenje rješenja o vodnoj dozvoli, dostavljena je i pregledana slijedeća dokumentacija:

- A. Opšta dokumentacija
- Aktuelni izvod iz sudskog registra matični broj subjekta: 1-12728 od 23..09.2020. godine izdat od strane Općinskog suda u Tuzli-ovjerena kopija;
 - Ovjerena kopija Uvjerjenja o poreskoj registraciji od 12.04.2017. godine, izdatog od strane Porezne uprave-Kantonalni ured Tuzla;
 - Dokaz o uplaćenju upravnoj pristojbi;
 - Punomoć za Eminu Ajanović advokata iz Tuzle od 16.12.2022. godine;
 - Kopija Rješenja o odobrenju za građenje objekta broj: 07-23-4757/2013-TT od 15.07.2013. godine datog od strane Službe za prostorno uređenje i zaštitu okoline, Općina Tuzla;
 - Kopija Rješenja o odobrenju upotrebe objekta broj: 06-23-2854/2014-TT od 27.05.2014. godine datog od strane Službe za prostorno uređenje i zaštitu okoline, Općina Tuzla;
 - Kopija katastrskog plana broj: 07-27-663/2023-11 od 31.01.2023. godine Služba za geodeske i imovinsko pravne poslove, Grad Tuzla;

- Izvod iz posjedovnog lista broj 2552 broj: 07-27-663/23-6 od 31.01.2023 godine Služba za geodeske i imovinsko pravne poslove, Grad Tuzla;
- Rješenje broj: UP1-14-21-2-08437/2022-1405-2-p od 08.11.2022 godine izdato od strane Vodnog inspektora Federalne uprave za inspekcijske poslove;
- Zapisnici o uzorkovanju otpadnih voda od strane „Inspekt-RGH“ d.o.o. Sarajevo,
- Izvještaj o ispitivanju kvaliteta i kvantiteta tehnoloških otpadnih voda „DEPLAST“ d.o.o. Tuzla, juni 2022 godine, urađen od strane „Inspekt-RGH“ d.o.o. Sarajevo;
- Izjava investitora broj : 56-05/2023 od 04.05.2023 godine

B. Tehnička dokumentacija

- Projekat izvedenog stanja prikupljanja, odvodnje i tretmana otpadnih voda u krugu firme „DEPLAST“ d.o.o. Tuzla, urađen od strane „TZI“ d.o.o. Sarajevo, maj 2023 godine (3X),

Postupajući po podnesenom zahtjevu, u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“ broj 31/15, 55/19 i 41/20), ovaj organ je pokrenuo upravni postupak, te je dana 24.03.2023. godine izvršen uviđaj na predmetnoj lokaciji poslovnog-proizvodnog objekta - pogona za plastifikaciju aluminijskih profila izgrađenog o čemu je sačinjen Zapisnik o uviđaju broj: UP-1/21-3-40-040-5/23.

Na osnovu pregleda projektne dokumentacije i izvršenog uviđaja na predmetnoj lokaciji utvrđeno je slijedeće:

Osnovna djelatnost preduzeća je zaštita aluminijskih profila hemijskim putem odnosno njihova plastifikacija. Firma se bavi uvozom profila, njihovom zaštitom, privremenim skladištenjem istih i distribucijom profila.

Objekat za plastifikaciju aluminijskih profila izgrađen je u ulici Vukovarska 69 u Tuzli na zemljištu označenom kao k.č. 2488/10, 2488/11, 2488/12, 2488/13, 2488/14, 2488/15 i 2488/16 K.O. Tuzla III, Grad Tuzla.

Kompleks čine: Objekat u kome su smještene uprava, skladišta i prodaja (spratnosti P+2), objekat u kome se vrši proizvodnja-plastifikacija aluminijskih profila i skladište gotovih proizvoda. Kapacitet godišnje proizvodnje je 163 tone.

Linija za plastifikaciju se sastoji od: kombinovanog uređaja za hemijsku pripremu, sušnica vlage, komora za nanošenje premaza, peć za polimerizaciju, transportne staze i kolica za vješanje i ostala prateća oprema.

Tehnološki proces zaštite aluminijskih profila od korozije hemijskim putem odvija se u fazama:

- Priprema vodenih rastvora od hemijskih komponenata i sirovina potrebnih za proces zaštite aluminijskih profila od korozije hemijskim putem.
- Potapanje aluminijskih profila u pripremljene hemijske rastvore, zatim njihovo vađenje, okapavanje,
- Sušenje aluminijskih profila u sušnici od zaostalih kapljica rastvora hemikalija na 150 °C.
- Transport zaštićenih i plastificiranih aluminijskih profila do skladišta gotovih proizvoda i
- Proizvodnja demineralizirane vode.

Predtretman zaštite aluminijskih profila od korozije tj. njihova plastifikacija izvodi se po fazama u četiri kade-odmašćivanje aluminijskih profila, barbotiranje zrakom pod pritiskom, u trećoj kadi nalazi se demineralizovana voda u kojoj se uz barbotiranje sa zrakom uranjaju profili koji nakon odkapavanja idu u četvrtu kadu kojoj se nalazi demineralizirana voda sa hemikalijama nakon čega idu na sušenje.

Maksimalni kapacitet je 1-2 ciklusa u smjeni a pogon radi u jednoj smjeni. Potrošnja praha je cca 9-12 kg dnevno.

Svaka kada je kapaciteta 1200 l. Prva kada se prazni jednom mjesečno, a ostale tri kade dva puta sedmično kako ne bi došlo do prezasićenja upotrijebljenim hemikalijama.

Snadbjevanje vodom riješeno je priključkom na javni gradski vodovod.

Tehnološke otpadne vode nastaju u postupku pranja i ispiranja. Tehnološke otpadne vode – ispusti iz druge i treće kade spajaju se sa oborinskim vodama te cijevima i bez tretmana odvođe u zacijevljeni potok - mjerno mjesto E1, koji se ulijeva u rijeku Jalu.

Oborinske vode sa krovova i kruga se putem rešetaka i slivnika odvođe u potok-mjerno mjesto E2.

Sanitarne vode idu u septičku jamu, a preliv u zacijevljeni potok.

Na lokaciji se ne vrši skladištenje nafte i naftnih derivata.

Po izjavi podnosioca zahtjeva je u dosadašnjem radu se vršilo češće ispuštanje tehnoloških otpadnih voda da bi se spriječio zagađenje krajnjeg recipijenta koncentracijama koje su prelaze granične vrijednosti definisane Uredbom o uslovima ispuštanja otpadnih voda u okoliš i sisteme javne kanalizacije.

Iz izvještaja o monitoringu kvaliteta i kvantiteta tehnoloških otpadnih voda „DEPLAST“ d.o.o. Tuzla, juni 2022 godine, urađen od strane „Inspekt-RGH“ d.o.o. Sarajevo, utvrđeno je da rezultati ispitivanja uzorka ne prelaze granične vrijednosti definisane u prilogu 28. Uredbe o uslovima ispuštanja otpadnih voda u okoliš i sisteme javne kanalizacije.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka cc) Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva, „DEPLAST“ d.o.o. Tuzla ispunio minimum uslova za izdavanje vodne dozvole za ispuštanje oborinskih onečišćenih voda te je riješeno kao u dispozitivu ovog rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarifi federalnih upravnih pristojbi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Behija Ahmedić, dipl.inž.tehn.

Po ovlaštenju
Rukovodilac sektora za izdavanje vodnih akata



Haris Ališehović, dipl.inž.građ.

Dostaviti:

- „DEPLAST“ d.o.o. Tuzla, Vukovarska 69, Tuzla (Prilog-tehnička dokumentacija pod tačkom B obrazloženja Rješenja)
- 6 AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava